



Cumün da Valsot

Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Poz 86 • CH-7556 Ramosch

Affischa

Suprastanza cumünala dals 20.01.2020

Presidi: Peer-Puorger Victor
Partecipant/s: Mayer-Schlegel Armon
Caviezel-Domenig Ursina
Kirchen-Werro Armon
Riatsch-Fedi Fadri
S-chüsà:
Protocol: Oswald Gian Claudio
Fabrica: Paulmichl-Rodigari Albin
Giast/s:

tractandas	tema	responsabel
1	0120 Executiva Acconsentimaint protocol	tuots
2	6150 Vias cumünalas Inglüminaziun publica Müdamaint da sistem da pairins da glüms / offerta Energia Engiadina	vp/ap
3	8400 Turissem Ledscha davart da las taxas da giasts e las taxas turisticas (ledscha turistica) Recuors quintes 2019	vp/go
4	1500 Pumpiers Pumpiers Muttler Recuors taxa da pumpiers 2019	vp/go
5	0120 Executiva Orientaziuns	tuots
6	0120 Executiva Varia (suprastanza cumünala)	tuots

0120 Executiva

1 Acconsentiment protocol

Il protocol da la sezzüda dals 16 da december 2019 vegn approvà.

6150 Vias cumünalas

2 Inglüminaziun publica

Müdamaint da sistem da pairins da glüms / offerta Energia Engiadina

Il manader tecnic ha procurà ün'offerta per müdar ils pairins da las glüms da via. I'l anteriur cumün da Tschlin as rechattan 132 glüms ed i'l anteriur cumün da Ramosch 93 da quellas. Il böt füss da rimplazzar ils pairins vegls cun novs da sistem da dioda glüschainta (LED). L'intenziun füss da manar tras quist in trais etappas ils ons 2020, 2021 e 2022. Ils avantags da quels pairins sun ün cosüm redot da forza electrica e üna dürada plü lunga. Apaina cha'ls pairins in tuot il cumün sun rimplazzats, as pudess spargnar circa fr. 7'500.00 l'on energia. Implü es la dürada da quists pairins bler plü lunga sco quella da quels existents.

Ursina Caviezel, suprastanta cumünala, vaiva inoltra pro'l manader tecnic la dumonda, schi fess eventualmaing sen da stüder las glüms dūrant ün mumaint la not. In vista al cambi dals pairins e resguardond ils avantags da quels nu fa quai sen. Ün'installaziun da glüms chi stüdan e s'impizzan automaticaming cur ch'ün pedun s'avicina a la glüm, chaschunan cuosts schmasürats.

Il manader tecnic ha scleri las cundiziuns in cas cha tuot ils pairins gnissan rimplazzats. La ditta chi ha offri spordschess in quel cas ün rebass da 10% sül predschi d'offerta.

L'idea da rimplazzar adüna be quels pairins chi van ruots vegn sbüttada. In quella maniera gnissan causats cuosts blerun plü ots.

La suprastanza decida da müdar ils pairins sco proponü da la direcziun in mincha fracziun da cumün, e quai in etappas dūrant ils prossems 3 fin 4 ons. Implü vegn desisti da stüder las glüms dūrant ün mumaint la not.

8400 Turissem

3 Ledscha davart da las taxas da giasts e las taxas turisticas (ledscha turistica)

Recuors quints 2019

In connex culs quints da las taxas annualas 2019 sun entrats 7 recuors in scrit. La direcziun ha trattà quels e suotamiss quai a la suprastanza cun üna proposta pro cas.

La suprastanza va d'accord cun quellas e decida da refüsar tenor la proposta divers recuors cumplettamaing ed oters parzialmaing.

1500 Pumpiers

4 Pumpiers Muttler

Recuors taxa da pumpiers 2019

In connex culs quints da la taxa da cumpensaziun da pumpiers sun entrats 2 recuors. La direcziun ha trattà quels e suotamiss quai a la suprastanza cun üna proposta pro cas.

La suprastanza va d'accord cullas propostas da la direcziun e decida da refüsar ils recuors.

Cartas da Nadal

L'administraziun ha ramasà las cartas da Nadal a man dal cumün e tillas surdà a la suprastanza per tour invista.

Padrinadi Svizzer per cumüns da muntogna

In sia sezzüda dals 8 da schner vaiva la direcziun fat bun üna contribuziun da fr. 2'000.00 a favur dal Patrinadi Svizzer. Quels sustegnan adüna darcheu progets in nos cumün. Davart dal Padrinadi Svizzer es gnü ingrazchà in scrit per la contribuziun fich generusa.

Mander administraziun

Il capo manzuna cha a partir dals 1. da schner ha surtut Gian Claudio Oswald las incumbenzas sco manader da l'administraziun. Marco Fallet, anteriur manader da l'administraziun, repassa actulamaing reglamaints e ledschas cumünalas tenor incumbenza dal capo.

Chasa da scoula a Strada

Il manader tecnic ha gnü ün aboccamaint culla mainascoula in connex cul proget d'ingrondimaint da la chasa da scoula a Strada. La mainascoula exprima il giavüsch da pudair cumanzar bainbod cullas lavurs da proget. La suprastanza vaiva decis da metter insembel üna gruppa da lavur per far quist.

In quist connex vain decis da tractandar quist a chaschun d'üna prossma sezzüda.

Transports da scholars

Il capo orientescha cha l'Auto da Posta vaiva infuormà ch'els inoltreschan fin la mità da schner ün'offerta pels transports da scholars. Previs es d'augmantar las frequenzas dal cuors da lingia tanter Scuol e Martina. L'intenziun da l'Auto da Posta es da trar a nüz in avegnir quellas colliaziuns pel transport da scholars. Ils cuosts pel cumün as redüessan latras considerabelmaing. Sur d'üna publicaziun dals transports vain decis pür davo avoir examinà l'offerta da l'Auto da Posta.

Pro Senectute

Als 14 da schner a chattà lö in chasa cumünala a Ramosch ün arrandschamaint per attempats organisà da duonna Giovannina Tratschin. Ursina Caviezel ha tut part a quel. Ella orientescha il gremi cha duonna Giovannina s'ha ingaschada daspö duos ons sco coordinatura per attempats in noss cumün ed es al listess mumaint rapreschantanta locala da la Pro Senectute. L'ingschamaint pro la Pro Senectute cumpiglia eir las lezchas cha duonna Giovannina evadaiva pel cumün. Uschè cha da l'incumbenza davart dal cumün po gnir desisti.

Ascensur illa scoula da Tschlin

Ursina Caviezel dumonda co chi's po far adöver da l'ascensur installà illa chasa da scoula a Tschlin. Il manader tecnic manzuna cha per tour in funcziun l'ascensur as douvra üna clav speziala. D'üna da quistas clavs dispuona minchün chi'd es impedi corporalmaing. Quella clav funcziuna in tuot la Svizra. Üna da quistas clavs es postada illa sala polivalenta a Tschlin. Il manader tecnic prevezza d'organisar ün'occurrència d'instrucziun per tuot las societats pertoccas. Il capo orientescha il gremi, cha in connex cul ascensur es gnü suottascrit ün contrat da servezzan. Ils cuosts annulas samuntan a fr. 650.00 per üna controlla. Pel solit sun previs duos servezzans l'on per üna soma da fr. 950.

Avegnir butia Ramosch

Fadri Riatsch orientescha, cha in venderdi ils 24 da schner chatta lö la radunanza da fundaziun. In quist connex dumanda el al capo, sch'el as metess a disposiziun per tgnair ün pled. Il capo va d'accord cun quai. Implü infuorma Fadri cha la Posta cuntinua cull'agentura integrada illa butia. Schabain sün ün oter nivel da contribuziuns. Sül principi d'avrigl surpiglia Wanda Hopman il manaschi da la butia.

Energia Engiadina

Armon Mayer orientescha, cha la radunanza generala da l'Energia Engiadina chatta lö als 25 da gün 2020 davomezdi. L'invid per la radunanza segua. Il cussagl administrativ ha decis da publicar la piazza da sar Walter Bernegger chi prevezza dad ir in pensiun dal 2021. L'intent es da tscherchar ün successur chi pudess cumanzar in mai dal 2021 e cha sar Walter Bernegger lavur inavant fin la fin dal 2021 in ün pensum redot da ca. 20%. Uschè as pudess garantir üna surdatta da las lezchas da maniera optimala.

Cumüns concessiunaris

Il capo orientescha, ch'el s'haja intermiss prols cumüns concessiunaris d'organisar la prossma sezzüda da suprastanza i'l cumün da Valsot, e quai cun success. La prossma sezzüda chatta lö illa chasa cumünala a Tschlin, mangià vegn i'l restaurant Macun.

Radunanzas generalas

Il capo dumonda al gremi, sch'inchün prevezza da tour part a las radunanzas generalas da l'OEE e da la CEE. Tuot ils commembers da la suprastanza giavüschan da gnir annunzchats a quellas. Il manader da l'administraziun vain incumbenzà d'orientar las dittas in quist sen apaina cha'ls invids sun entrats.

Avegnir chasa da scoula Tschlin

La prüma sezzüda da la cumischun fuormada ha chattà lö ils 9 da schner. In quist'occasiun han ils repraschantants dal gremi cumünal pudü sclerir dumondas avertas culs rapreschantants dals iniziants, a'l listess mumaint sun quels eir commembers da la cumischun. Quels han güstifichà e schüsà per lur agir e manzunà chi laivan render attent ils organs cumünals da la malcuntantezza in connex cullas intenziuns pertoccant la chasa da scoula illa fracziun da Tschlin. Cun 51 suottascripziuns han els vulgü accentuar quist fat.

Sün üna posiziun davart dal cumün desistan ils iniziants, quella vess stuvü succeder infra 3 mais daspö cha la petiziun es gnüda inoltrada.

Sco prossem termin vegn arrandschà ün inscunter cul cussagl administrativ dal baineser.

0120 Executiva

6 Varia (suprastanza cumünala)

Da la tractanda nu vegn fat adöver.

7556 Ramosch, 24.01.2020

Il capo:

Il manader administraziun: